



古今識鑒序

相人之術中古以前莫之考也粵
自東周內史殽服相以孫敖二子
其說始見於左傳顧後著如布
子卿唐舉呂以許負管輅天網
之徒異世間出推行其術者合
符節其於卜貴顯定脩短揚側
陋察災澁美而知其凶醜而知



吉載之傳記班、可、老、狂、非、自、
察秋毫心足以妙造化有得於
異傳者莫之能如夫人之有耳目
口鼻猶天之有日月星辰地之有
山川草木其吉凶休咎羸縮轉化
崩潰榮瘁者蓋有不可得而操
况人之頰面具木火土金水之部信
青黃赤白黑之氣色配天地而為

三寸可指而易見又非若天地高
遠之難知也荀卿子乃以性惡而
著冰相之論何耶間嘗即其事而
觀之姑希子思之相趙襄子雖母
賤必貴而終立趙國其卜貴顯也
可知唐舉之相蔡澤貌醜自貴而
壽考四十三其定脩短也可知呂
氏之識漢高許負之識薄姬獨何

隨之謂也管輅之

何晏天網之

閔馬周察幾微之謂也以至王莽

甯之風神秀美山濤知其必誤蒼

生魏知古之狀貌黑小蘇子知其必相

天下此又美而知其凶醜而知以吉

者也之數子者皆具明睿之資而

得異人之傳故能如此之驗也若夫

單襄公成甯子鮑威儀以察禍福

郭林宗司馬徽考器識以言臧否

又所謂有心無相之通心生者如余

少侍先子太常以于家詩禮之

餘類窺其土苴而竊以泚其身

及獲說

太宗文皇帝於潛邸承勅纂叙

歷代相書命之曰人象大成既已

歸於

秘府多矣今則歸老之暇更考史籍
所載相家事實者足徵者并以
先子太常分類編所紀相蹟彙次
成編鑿為八卷總名之曰古今識
鑒以遺識者庶有所鑑戒焉
來兩京所閱王公達人下至
賤休劾本者不符其相之說
者其可以術而視之哉
者為不精其業不得其傳或接
之以資賈嚮規聲利則非余之
所敢知矣程子有云在己者能知
言窮理則能以此察人如耶之也
可不慎哉可不慎哉

景泰二年歲次辛未夏四月既望
四明袁中敏序

古今識鑒目錄

卷之一

三皇

三代

列國

卷之二

秦漢

東漢

卷之三

三國

東晉

西晉

卷之四

南朝

北朝

卷之五

唐

卷之六

宋

卷之七

元

卷之八

國朝

目錄終

古今識鑒卷第一

四明袁

忠徹編輯

三皇

魯日孫表

大純校刊

宓犧姓風氏代燧人氏蛇身八首

神農姓姜氏人身牛首繼風姓而立

黃帝姓公孫氏又姬姓名軒轅母見大電繞北斗樞星感

而遂生

唐堯姓伊祁氏或曰名放勳眉八彩就之如日望之如

八彩入鬃而乘彩色

虞舜姓姚氏或曰名重華目重瞳

神清氣和內稟

之誠外有恬淡之相德施

奇異所以為萬

規模重瞳兩睛相朝

皐陶鳥喙色如削瓜慈相陶唐為士師

后夔夫人有仍國之女黥黑而甚美髮膚之光可以照人

名曰玄妻以其髮黑也夔娶之生伯封寔有豕心貪婪

無厭忽類無期謂之封豕后羿滅之夔是以不祀

夏禹姓姁氏或曰名文命耳三漏身長九尺九寸

商湯姓子氏諱履身長九尺長頭而髯鬚頰二肘若肉印

之狀肉印方而有肉

伊尹面無須縻為湯右相

傅說身如植鰭相商高宗中興

周文王姓姬氏諱昌身長九尺虎眉四乳眉若虎眉胃中四乳

呂望芝眉晚遇周文王佐武王定天下為成王太保封齊

侯

周公姓姬名旦文王第四子背偃如龜身如斷莖佐武王

定天下相成王制禮作樂卒謚文封魯侯

闕天面無見膚周治臣十人之一也

唐叔虞武王少子生而有手文曰虞遂以為名成王封於

唐

晉文公姓姬名重耳骭脇初為公子於曹曹共公欲見

其辭脇不敢語文公浴曹君薄而觀之果然後紹晉霸

諸侯辭脇言脇骨
合比如一

周靈王姓姬諱泄心生而有鬣先是定王六年秦有妖言

曰周其有鬣王果然

離婁目明百步之外遠察秋毫之末

吳王夫差與晉魯會於黃池越人乘虛入吳殺其太子夫

差聞之惧殺其報使強與之會晉司馬寅曰肉食者無

墨色今吳王有墨色國敗乎抑太子死乎

越王勾踐蜂目重瞳范蠡曰長頸鳥喙鷹視狼步可與其

患難不可共逸樂遂亡去後大夫鍾筆皆賜死果如其

言

楚穆王名商臣父成王初太子於闔子上對曰商臣雖

長蜂目豺聲忍人也不可立成王弗聽立之後果弑父

自立

魯公子季友桓公廢子生而有手文曰友遂命以名子孫

為季孫氏位魯上卿世專國政

老子姓李名耳字伯陽身如槁木耳大於掌鼻雙柱唇麗

厚足下龜文壽三百餘歲為周柱下史

列國

孔子名丘字仲尼生有異質凡四十九表反首注面

日準河目海口斗唇昌頰均頤輔喉駢齒齧形貌
 掌駢脇參鷹鳥年頰山臍林背翼屨注頤阜腴堤目地足
 谷竅雷聲澤腹面如蒙俱手垂過膝眉一十二彩目六
 十四理立如鳳峙坐如龍蹲手握天文足履度字望之
 如仆就之如弁脩上趨下未僂後耳視若營四海耳垂
 珠庭胸有文曰制作定世符身長九尺六寸腰大十圍
 頰田字子淵山庭日角貌美而癯性聰明二十九而髮白
 三十二而卒為孔門高弟以德行稱

曾參字子輿珠衡犀角孔門高弟守道不仕

仲由字子路剛毅好勇孔門弟子去干言其行行如也由

也不得其死然果死孔悝之難

高柴字子羔貌甚惡孔門弟子為孝有法為衛大夫

端木賜字子貢有珠庭日角之相孔門弟子應聘列國

澹臺滅明字子羽狀貌甚陋孔門弟子初以為才薄既而

受業名動諸侯孔子曰以貌取人失之子羽定語稱其

有君子之姿

商瞿字子木孔門弟子有若曰商瞿年長無子孔子曰勿

憂年四十後當有五丈夫已而果然

公父文伯名穀魯大夫公孫敖之子周内史叔服至魯

聞其善相入見其二子穀難叔耶

穀也豐下必食

有後於魯難也收子後果然

豐下子

面方收其父

宣姜衛宣公夫人齊女也鬢髮如雲目視清明眉上廣額

角豐其色白括

莊姜衛莊公夫人齊女也手如柔荑膚如凝脂頰如蝟螬

齒如瓠犀螭首蛾眉巧笑倩兮美目盼兮惜乎美而無

子也

齊採桑女白頭深目項有大瘤為閔王后

仲子魯惠公夫人宋武公之女生有手文曰為魯夫人惠

公納之生桓公

宋平公夫人芮司徒之女生而赤色軀生毛畏其異相而

棄之隄下平公嫡夫人共姬之妾見而取之入公宮名

之曰棄長而美從平公嬖之生子佐是為元公

鍾離女名春無鹽邑人齊宣王之后為人極醜白頭深目

大節印鼻結喉肥項少髮折腰出胸皮膚若漆四十無

所容嫁不售短褐詣宣王願備後宮王納為后

楚登徒子之妻蓬頭攣耳缺唇齜齒旁行踽儻又疥而疔

宋玉曰登徒子娶之生五子

伍員字子胥身長一丈眉間一尺腰十圍吳市吏善相者

識之為吳行人伐楚復讐

干將子赤鼻眉廣三寸

專諸伍子胥相之曰唯顙深目虎肩鯨背真勇士也
白喜化離曰吾觀喜之為人鷹視虎步專功擅殺不可觀
也

單子周卿也會韓宣子於城下言徐顧下卦向曰單子其
將死乎眼有定眴父則有睜單子為王官視不答帶言
不過步無守身之氣死將至矣果卒

宋華元宋大夫也睥目眦眦多髮

睥大也眦亦大也

陳子強齊大夫顏色潔白鬚鬚眉皆美果貴卒諡武子
哀駘它貌惡魯哀公嘗見之果惡授以政仲尼曰是必才
全而德不形者也

公孫呂衛大夫身長七尺面長三八廣二尺名動天下

趙襄子名無卹幼時有子卿相之曰真將軍也父簡子
曰此子母賤何足貴哉子卿曰天之所受雖賤必貴

楚令尹子越名柎司馬子良之子柎初生子良之兄令尹
子文曰此子熊虎之狀而豺狼之聲弗殺必滅石敖氏
之宗子良不可子文將死聚其族曰柎也知政乃速行
他國無及於難且泣曰若敖氏之鬼餒矣後子越為令
尹以兵攻莊王滅其族獨子文存其宗祀

王儋括周靈王弟儋之子父服除見王退而歎曰嗚呼必
有此夫單公子愆期聞而告王曰儋括無戚容而志願

大必害王室且其目疾躁而舉之甚高心在他也既而果欲弑王自立

豎牛魯庚宗野婦之子叔孫穆子奔齊夢天壓已弗勝見人黑而肩上僂深目而豸喙號曰牛者助之乃勝及歸魯見庚宗婦人之子如夢焉其名牛以為家臣後穆子疾病豎牛絕其食而死復以計殺其二子孟丙仲壬此凶人之相也

叔魚生其母視之曰是子虎目豕喙鳥肩牛腹溪壑可盈是不可廢

羊舌伯石晉賢大夫叔向之子初夢申公巫臣娶夏姬而奔晉生一女甚美叔向欲娶之其母曰夏姬殺三夫一君害一子而亡一國其如雖美必有大惡不可叔向以君命娶之生伯石其母往視之聞其聲及堂而止曰是豺狼之聲也狼子野心必喪羊舌氏之宗矣遂弗視後叔向卒伯石坐祁及黨果以族誅

陳豹齊大夫闕止之家臣初公孫言已以豹薦於闕止曰陳豹身長而肩背僂曲目上視欲為子臣憚其多詐耳闕止召豹與之言政大悅以

陳恒之謀告之豹洩

其語闕止被害豹果多詐也

荀瑶晉大夫知宣子之子初立為後知果曰美鬚長大則

賢以不仁行之知氏必滅後果滅

白起小頭面銳瞳子黑白分明視瞻不轉平原君曰小頭

而面銳敢決斷也瞳子黑白公公事明也視瞻不轉

者執志強也起長於用兵但性凶殘為秦昭王將坑趙

降卒四十餘萬

蔡澤唐舉相之曰君蚘鼻巨肩魁顏盛顴膝擊仰而頰

富貴之相也澤曰富貴吾自有所不知者壽耳舉曰自

今以往四十三年澤曰吾躍馬食肉四十三年足矣後

為秦昭王相號綱綱君

鬼谷子姓王名詡露齒結喉人物奇性隱青溪鬼谷號曰

鬼谷子

宋玉體貌閑麗文章閑麗文章國師屈原為楚大夫

荆軻勇士也慕燕丹之義白虹貫日太子丹自相氣見白

虹貫日不徹曰事不成矣軻死曰吾知其然也白虹貫日謂眼

睛有白光

古今識鑒卷第二

四明袁忠徹編輯

秦漢

秦始皇姓嬴氏諱政尉繚子曰秦皇蜂準長目鵝鳥膺豺
聲少息而虎狼心居紉易出人下得志亦輕合人

李斯客于秦唐舉相之曰君百日之內當秉國政果然
項羽身長八尺重瞳長頸烏喙手有雁陣文秦末起兵江

東自濠西楚霸王所過屠戮後陔下兵敗自刎
重瞳兩睛相背

漢高祖姓劉氏諱邦字季隆準龍顏左股七十二黑子

時呂公謂曰相人多矣未有如季也
呂公后父也

薄姬父與魏王宗女魏媼通生薄姬。媼，王媼納女。魏

宮許負相姬當生天子，後歸漢。姬入織室，高祖見姬，

納後宮。歲餘，欲幸之。姬對曰：「昨暮夢龍據胸中。」上曰：「貴

徵也。吾為女成之。」遂幸，有娠。生文帝，尊為太后。

張良字子房，貌似婦人，然狀貌魁梧，奇偉，手紋如琴。佐漢

封留侯，謚文成。

韓信身長八尺九寸，蒯通曰：「相君之面，不過封侯；相君之

背，貴不可言。」佐漢定天下，求封齊王。改楚王，降淮陰侯。

陳平貌潔如冠玉，瑩之姿，毛紋有兵符，少貧。張負偉之，

曰：「豈有美如陳平，長貧若乎？」娶以女。後佐漢為丞相。

封戶牖侯。

張蒼身長八尺餘，長大肥白，如瓠。背膊如龜行，亦似龜。漢初

坐法當斬。王陵奇而釋之，以文學律曆為漢名相，壽百

餘歲，封北平侯。

黥布姓英氏，少時客相之。曰：「當刑而王，及壯坐法，心欣然。」

笑曰：「人相我當刑，而王幾是乎？」主者壯而釋之。後歸漢

封淮南王。

酈食其身長八尺，以游說佐漢封廣野君。後齊王廣烹之。

陳夫人蕭氏，漢丞相平之妻，手有玉身紋，帶金花印。

趙堯少為吏，趙人房豫公謂御史大夫周昌曰：「君之吏趙

堯年雖少然奇士君必異之是且代君之位昌笑
筆吏尔何至是乎頃之高祖以周昌為趙王相果拜
御史大夫

周亞夫絳侯勃之子初為河內太守許負相之曰君後三
歲而侯侯八歲而為將相九年後餓死亞夫笑曰臣之
兄已代父侯卒當我代何說侯乎然既已貴又何說餓
死指視我負指其口曰縱理入口此餓死訣也後皆如
其言

鄧通許負相之曰嚙蛇入口者貧餓死文帝曰能富通者
在我也乃賜銅山得自鑄錢官上大大景帝即位盡沒
入其財不得一錢竟寄死人家

江充容貌偉岸甚壯武帝望見之曰燕趙固多士也後以
巫蠱譖太子太子斬之

田蚡貌侵以太后弟位至丞相封武安侯自尊傲物中二
千石拜謁蚡弗為禮禮侵短小也

東方朔字曼倩身長九尺三寸目如懸珠齒如編貝以文
章善滑稽諷諫官太中大夫

霍光字子孟身長七尺二寸白睛踈眉目美鬚髯受武帝
顧命擁昭立宣封博陸侯

金日磾字翁叔身長八尺二寸容貌甚嚴休屠王之子武

帝拔於牧圉與霍光同受顧命封程侯謚曰敬子
世為侍中

衛青字仲卿少賤為牧羊奴嘗從人至甘泉居室有鉗徒
相之曰青貴人也官至封侯青曰為人奴得無笞罵足
矣何望封侯後以功封長平侯

李廣猿臂長肘嘗謂三朝曰諸校以軍功取封侯者數十
人豈吾相不當封侯耶為右北平太守以失利自刳
霍方進字子威素微賤年十五為小吏遲鈍受辱蔡父相
之大奇其形貌有封侯之骨當以經術進因病而歸肆
力苦學至丞相封高陵侯

蔡義短小無鬚眉貌似老嫗行步俛僂壽八十餘相昭帝
封陽平侯

田千秋身長八尺餘體貌甚臞訟戾太子寃片言悟主漢
武帝朝拜相封富民侯

漢宣帝姓劉氏諱詢昭帝時始冠身長八尺二寸之下龜
文有毫

巫氏黃霸妻霸字次公少與善相者共載出見一婦人相
者曰此婦人體態溫柔而無媚合當貴不然相書不可
用也霸推問乃鄉里巫家女也遂娶之後霸至宰相封
建成侯謚曰定婦封夫人

卓文君臉似芙蓉膚似凝脂眉色不加黛如望遠山時人
効之號遠山眉

王商字子威身長八尺餘多質有威重身軀鴻大容貌甚
絕過人成帝時為丞相單于來朝拜謁商起離席與語
單于仰觀商貌大喪氣天子聞之曰真漢相也

王莽字巨君侈口鑿頰鬣頰露眼赤睛大聲而嘶長七尺
五寸反鷹高視瞰臨左右相者曰莽所謂鷓目虎吻豺
狼之聲故能食人所食公孫設曰鳶肩虎吻
并長鷲後慕漢曰立果為漢兵所殺切食其肉

巨無霸身長一丈腰十圍王莽少為鬪尉

東漢

漢光武姓劉氏諱秀字文叔隆準日角虬髯美鬚初為大
司馬討河北護軍朱祐從容言曰更始政亂公有日角
之相此天命也

明德馬皇后美髮眉若施黛左眉小缺補之如粟初相者
見而驚曰我必為此女稱臣然貴而少子若養他子當
得力踰於所生后為明帝貴人無子時賈氏生章帝后
遂養之帝曰何必自生子但患愛養不至耳

馬援字文淵鬚髮眉目似畫拜伏波將軍

朱勃後漢扶風人年十二能誦詩書馬援見之自失因謂

况曰朱勃智盡此尔勿畏也汝大材當晚成後勃止縣令况封侯

東平王蒼美鬚髯腰帶八圍漢明帝朝以至親輔政後乞就國日者問東平王處家何等最樂王言為善最樂其言甚大卒謚曰憲

陳遵字孟公身長八尺餘容貌甚偉以任俠著名三為二千石擊賊有功封嘉威侯

高獲字敬公為人尼首方面少與光武有舊師事歐陽歛

尼首者首像尼丘山中低四方高也

順烈梁皇后年十三入掖庭善想弟通見后拜賀曰此

所謂日角偃月相之極貴臣所未嘗見太史卜地得壽房又筮得坤之比順帝以為貴人尋立為后

孟光狀貌肥醜而黑力舉石曰擇對三十不嫁父母問故光曰欲得賢如梁伯鸞者遂妻之

胡廣字伯始初為郡牧吏太守法雄使子真助求八悉名諸吏閱之真指廣曰貴人也遂舉孝廉為漢名相

李固字子堅貌有奇表鼎角匿犀足履龜文官太尉

足曰鼎角額上入髮際隱起曰匿犀

班超字仲升彪之子固之弟嘗詢相者曰君布衣諸生而當封侯萬里之外超問其狀相者指曰燕頰虎頭飛而

食肉此萬里侯相也後守西域封定遠侯

黃琬字子琰太尉瓊之孫鳳睛龜背官至五官中郎將
蔡邕字伯皆狀異常人每出行觀者盈集以董卓性剛而
遂非欲遁山東以待之從弟谷曰兄以此自匿不亦難
乎乃止

郭泰字林宗身長八尺容貌魁偉知人好獎不營仕進四
十二卒

賈逵字景伯身長八尺二寸頭長諸儒語曰問事不休賈
長頭官侍中

謝甄邊讓汝南人郭林宗見之謂門人曰二子英才有餘
並不入道惜乎後甄不拘節行為時所廢後讓輕侮曹
操見殺

劉儒字叔林東郡人郭林宗見而稱其口訥心辨有珪璋
之質

盧植字子幹身長八尺二寸聲音如鐘游馬融之門學冠
諸儒漢獻帝時拜中郎

樊賦張子美相之曰公額上雙柱直起如龍角但止乎陞
朝矣過之必危也

周燮字彥祖生而欽頤折頰醜狀駭人其母欲棄之父不
聽曰吾聞聖賢多異貌與吾宗者此兒也漢安帝以玄

繻羔幣聘之燮辭疾不就而歸

欽定九功曲領也

劉元祐鈿徒相之曰公鼻露耳反巨肩膝變雖處公位終

非久長後果因事徙海島寄死野人之家

黃昌字聖真左足下有黑子嘗自言當為二千石果至蜀

郡太守

王育身長八尺鬚長三尺容貌絕異初為人傭奴許子章

識之給衣食使子與之同學妻以兄子

趙壹字元叔體貌魁梧身長九尺美鬚毫眉望之甚偉司

徒袁逢使善相者相壹曰仕不過郡吏果然

司馬直貌潔白美鬚髯人敬之如神

蔣子文漢末為秣陵尉嘗自謂骨貴死當為神今鍾山蔣

王是也

梁冀字伯卓為有豺目洞睛瞻眄質帝目之曰跋扈將軍

女為皇后宗黨強盛毒害忠良伏誅

董卓字仲穎臍深容七季擅權伏誅

王允字子師郭林宗見而奇之曰王生一日千里王佐才也

邳壽少遇相師曰鼻為氣戶君鼻大貴之相也官太尉

鄭玄字康成大將袁紹統兵冀州遣使要玄時大會賓客

玄後至延升上座身長八尺飲酒一斛秀眉明目容儀

溫偉閉口著書所居生書帶草孔融表其鄉曰鄭公鄉

古今識鑒卷二

古今識鑒卷二

古今識鑒



40-

300-

